

«Redovni izvještaj dnevnih događaja i pojava»

Izvještaj se odnosi na događaje u vremenskom periodu od 17.11.2025. godine od 08:00 sati do 18.11.2025. godine do 08:00 sati. Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POŽARI (LP-3)

Grad Bihać-Vatrogasna jedinica grada Bihaća imala je intervenciju na gašenju požara u mjestu Papari, gdje je gorjela šuma.

Općina Bosanski Petrovac- Vatrogasna jedinica općine Bosanski Petrovac imala je intervenciju na gašenju požara od 11:10 do 13:10 sati u mjestu Suvaja, gdje je gorjelo nisko rastinje.

Općina Velika Kladuša- Vatrogasna jedinica općine Velika Kladuša imala je intervenciju na gašenju požara od 10:02 do 12:50 sati u mjestu Marjanovac, gdje je gorjela štala.

Tehničke intervencije

Grad Bihać-Vatrogasna jedinica grada Bihaća imala je tri tehničke intervencije; skidanje lima sa kuće u mjestu Repušine, skidanje oluka sa crkve Ante Padovanskog koji je ugrožavao sigurnost prolaznika i uklanjanje srušenog stabla u ul.Himze Polovine.

Općina Sanski Most-Vatrogasna jedinica općine Sanski Most imala je tehničku intervenciju od 02:40 do 03:10 sati u ul.Aleja šehida, otvaranje zaključanog stana.

Vatrogasne jedinice u ostalim općinama/gradovima nisu imale intervencija.

OBLAST SAOBRAĆAJA (prohodnost puteva, drumski i željeznički saobraćaj)

Svi magistralni i regionalni putevi su prohodni.Zbog snijega koji pada i zadržava se na kolovozu upozoravamo vozače na oprezniju vožnju na putnim pravcima,Ključ-Bosanski Petrovac i Vrhpolje-Ključ.

Učestali su odroni na putnom pravcu Bihać-Srbljani-Bosanska Krupa.

Zbog radova na sanaciji klizišta na magistralnoj cesti M-43 Radića Most-Bužim saobraća se naizmjenično, jednom trakom u dužini od 50 metara.

Na magistralnoj cesti Vrhpolje-Ključ (dionici Kamičak-Ključ), zbog radova na izgradnji mosta preko rijeke Banjice, saobraća se naizmjenično, jednom trakom.

Na graničnim prelazima zadržavanja za putnička vozila nisu duža od 30 minuta.

BEZBJEDNOST U SAOBRAĆAJU (LP-7) (saobraćajne nezgode)

Na području USK-a u protekla 24 sata desilo se jedanaest saobraćajnih nezgoda. Dva lica zadobila su lakše tjelesne povrede, te je prčinjena materijalna šteta.

OŠTEĆENJA ELEKTRIČNE MREŽE (LP-18)

Elektroenergetski sistem je stabilan.

Zbog jakog vjetra koji je juče zahvatio naš Kanton bilo je više prekida u snabdijevanju građana električnom energijom. Svi kvarovi su otklonjeni.

OBLAST TELEKOMUNIKACIJA (LP-18)

Telefonske veze funkcioniraju u svim pravcima.

OBLAST VODOSNABDIJEVANJA (LP-18)

Vodosnabdijevanje je zadovoljavajuće.

NEEKSPLODIRANA UBOJNA SREDSTVA –NUS (LP-19)

Općina Velika Kladuša

Od Službe civilne zaštite i zaštite od požara Velika Kladuša primljena je Obavijest o pronalasku NUS-a u mjestu Vrnograč-Dolovi. Nije navedeno o kojoj vrsti NUS-a se radi. Mjesto pronalaska NUS-a obilježeno je od strane uposlenika Službe civilne zaštite i zaštite od požara Velika Kladuša

METEOROLOŠKO-HIDROLOŠKA SITUACIJA

U gradu Bihaću u 07:00 sati temperatura je iznosila 4 °C.

Vodostaj rijeke Une iznosi 22 cm, (početak obavješćavanja je 100 cm).

Padavine: 31,6 l/m².

U općini Sanski Most u 08:00 sati temperatura je iznosila 3 °C.

Vodostaj rijeke Sane iznosi 81 cm (početak obavješćavanja je 310 cm).

Padavine: 16 l/m².

Napomena: Služba za civilnu zaštitu i vatrogastvo općine Bosanski Petrovac nije dostavila Redovni izvještaj.